

RISP News

E-Gylchlythyr Swyddogol Rhaglen Gaffael y System Gwybodeg Radioleg

Hydref 22 | Rhifyn 7



Croeso gan Victoria O'Higgins Prif Reolwr Prosiect

Helo a chroeso i rifyn hydref ein Cylchlythyr Rhaglen RISP! Rydym bellach yn prysur agosáu at gamau caffael olaf ar gyfer ein system radioleg newydd i Gymru. Mae'r trafodaethau gyda'n cyflenwyr bellach wedi dod i ben, ac mae'r tri chyflenwr olaf yn dechrau paratoi eu cynigion terfynol.

Yn y rhifyn hwn byddwch yn clywed mwy am gyflawniadau ein prosiectau Caffael, Buddion a Safoni. Byddwn yn tynnu sylw at waith un o'n cyfranwyr allweddol tuag at wneud y rhaglen yn llwyddiant – yn ogystal â rhoi rhai diweddariadau allweddol i chi am bersonél ein prosiectau allweddol.

I gael rhagor o wybodaeth am y Rhaglen a'r prosiectau, gallwch ymweld â'n [tudalen we](#) neu gysylltu â ni trwy ddefnyddio'r manylion a ddarperir isod. Rydym bob amser yn croesawu adborth, a chyfleoedd i ymgysylltu â chi, ein cynulleidfa.

Cwrdd â'r Tîm

Mewn rhifynnau blaenorol o'r cylchlythyr hwn rydym wedi'ch cyflwyno i'n Harweinwyr Clinigol (rhifyn Ionawr 2022), ac aelodau'r Gweithgor sy'n cyfrannu eu gwybodaeth arbenigol at y rhaglen (rhifynnau Ebrill a Gorffennaf). Nawr hoffem eich cyflwyno i ychydig mwy o aelodau'n tîm craidd yn y Swyddfa Rheoli Rhaglenni:



Emily Jarmann

Mae Emily Jarmann yn Rheolwr Prosiect sydd wedi bod yn gweithio yn nhîm RISP ers mis Ionawr 2021. Mae Emily wedi gweithio yn GIG Cymru am chwe blynedd mewn Prosiectau a Rhaglenni amrywiol, gan gynnwys bod yn rhan o sefydlu'r Academi Ddelweddu Genedlaethol ym Mhen-coed. Mae ganddi gymwysterau PRINCE2 a PMQ Cymdeithas Rheoli Prosiectau, a phrif ffocws ei gwaith yw llywodraethu a chynllunio'r Rhaglen. Mae Emily hefyd yn arwain datblygiad y Prosiect Buddion ar gyfer RISP ac mae'n cynrychioli'r Rhaglen ar Grŵp Goruchwylio Cynllunio Cydweithrediad Iechyd GIG Cymru (NHSWHC).

Rhifyn 7

Rhianydd France



Ymunodd Rhianydd France â Rhaglen RISP ym mis Hydref 2021 yn Uwch Swyddog Cefnogi Prosiect. Mae Rhianydd yn cefnogi cyfarfodydd Bwrdd a Gweithgor Rhaglen RISP, cyfarfodydd mewnol y Tîm Rheoli Prosiect, a dau o'r prosiectau yn ffrwd waith Newid Busnes y Rhaglen, sef Safoni a Buddion. Mae gan Rhianydd gefndir mewn AD ac mae wedi gweithio'n bennaf i'r sector gwirfoddol. Dyma rôl gyntaf Rhianydd yn y GIG ac mae'n edrych ymlaen at ddatblygu a dysgu mwy am y strwythur a'r timau o fewn y sector cyhoeddus.

Trosolwg o'r Rhaglen RISP

Mae'n bleser gan y Rhaglen RISP gyhoeddi bod Rheolwr Prosiect newydd wedi ymuno â'r tîm, ac mae Arweinydd Rhaglen Genedlaethol newydd wedi'i benodi, a fydd yn ymuno â ni ddiwedd mis Hydref.

Ar y nodyn hwnnw, hoffem ni yn Nhîm RISP gymryd eiliad i ffarwelio â'n Harweinydd presennol, Lynne Burrows. Ar ddiwedd mis Medi, ymddeolodd Lynne o'i rôl yn RISP ar ôl bron i 20 mlynedd yn GIG Cymru. Mae Lynne wedi bod yn ymwneud â'r gymuned ddelweddu ers sawl blwyddyn ar ôl arwain datblygiad Academi Ddelweddu Genedlaethol Cymru, a hefyd sefydlu'r Rhaglen RISP. Mae Lynne wedi gweithio gyda llawer o gydweithwyr ar draws GIG Cymru dros y blynyddoedd ac rydym yn siŵr y byddwch i gyd yn ymuno â ni i ddymuno'n dda iddi yn ei hymddeoliad!

Diweddariadau Llif Gwaith

Ffrwd Gwaith Masnachol Prosiect Caffael

Yn ein cylchlythyr diwethaf, fe wnaethom roi'r wybodaeth ddiweddaraf i chi am gynnydd y broses caffael hyd yma, gan gynnwys ymweliadau safle a gynhaliwyd ym mis Mehefin. Ers hynny, mae'r caffael wedi gwneud cynnydd rhagorol gyda'r rownd gyntaf a'r ail rownd o'r ddeialog wedi'i gwblhau ar gyfer timau Gweithredol a Thechnegol, Masnachol Cyfreithiol Ariannol, a Gweithredu a Gwasanaeth. Mae deialog yn rhan bwysig o'r broses gaffael gan ei fod yn caniatáu i ni siarad â'r tri chyflenwr a ddewiswyd, a'u caniatáu i ofyn cwestiynau i ni, yn ogystal â rhoi cyfleoedd inni archwilio ymhellach i'r gofynion technegol, cyfreithiol neu swyddogaethol y maent wedi'u cyflwyno.

Ar ôl cwblhau'r rownd gyntaf honno o ddeialog, caiff amserlenni a gofynion y contract eu mireinio a'u hailgyhoeddi i'r cyflenwyr ar y rhestr fer, gan roi cyfle iddynt wneud unrhyw ddiwygiadau pellach i'w cynigion. Yna gwahoddir y cynigwyr yn ôl am rownd arall o sgysiau. Y nod yw bod ein gofynion yn cael eu gwneud yn gliriach gyda phob iteriad, a bod eu hatebion yn cyd-fynd yn agosach â'r hyn sydd ei angen arnom. Unwaith y bydd y ddau wedi'u cwblhau, unwaith eto rydym yn adolygu ac yn diwygio ein dogfennaeth cyn cyhoeddi treial ym mis Hydref. Dyma un o'r adegau olaf y gwelwn yr hyn y mae'r cynigwyr wedi'i gynnig, ac o ran caffael mae ychydig fel sefyll ffug arholiad, cyn i'r prawf go iawn ddigwydd ym mis Rhagfyr a mis Ionawr.

Ffrwd Waith Newid Busnes Prosiect Buddion

Mae Grŵp Buddion RISP yn parhau i gyfarfod yn rheolaidd ac wedi cyfarfod ddwywaith ers cyhoeddi ein cylchlythyr diwethaf. Mae'r cyfarfodydd hyn wedi ein galluogi i gasglu data sylfaenol ar gyfer wyth o'n buddion. Mae casglu neu drafod data ar y gweill i bron i 80% o'r buddion y cytunwyd arnynt. Mae hyn yn cynnwys ailgynnull is-grŵp i drafod buddion y system rheoli dosau cleifion (PDMS).

Mae'r Rheolwr Prosiect hefyd wedi bod yn cyfarfod â dadansoddwr i nodi camau gweithredu i wella ansawdd y data sylfaenol a gasglwyd yn gynharach eleni. Bydd cyfarfodydd pellach yn cael eu trefnu i drafod unrhyw wybodaeth sy'n weddill.

Prosiect Safoni

Mae'n bleser gennym gyhoeddi bod Rheolwr Prosiect newydd ar gyfer y Prosiect Safoni bellach yn ei swydd, ac mae cyfres o weithdai wedi'u cynllunio ar gyfer mis Hydref.

Croesawu a Ffarwelio

Croeso i...

Mae'r rhaglen RISP yn falch o groesawu:



Oscar Merry Lewis

Helo, fy enw i yw Oscar. Rwy'n falch iawn o gael fy mhenodi'n Rheolwr Prosiect sy’n canolbwyntio ar Safoni o fewn Rhaglen RISP. Mae fy nghefndir mewn Gwella ac Ansawdd Gwasanaethau o fewn y GIG, a chyn hynny bûm yn gweithio yn y sector cyfreithiol am nifer o flynyddoedd. Y tu allan i'r gwaith rwy'n hoff iawn o ffotograffiaeth, gwersylla, heicio a mynd i wyliau. Rwy'n edrych ymlaen yn fawr at fynd i'r afael â'r Rhaglen RISP, a rhoi fy stamp fy hun ar gyflwyno'r system newydd.



Gareth Cooke

Helo Bawb,
Gareth ydw i ac rwy'n gyffrous i gymryd yr awenau ddiwedd mis Hydref ar gyfer y gwaith rhagorol y mae Lynne wedi'i wneud wrth arwain y rhaglen RISP. Mae fy mhrofiad yn y GIG yn cynnwys bod yn uwch arweinydd rhaglen ym Mwrdd Iechyd Prifysgol Aneurin Bevan, lle roeddwn yn gyfrifol am reoli dwy raglen waith gymhleth. Hefyd, cydlynais y rhaglenni brechu a phrofi COVID yng Ngwent ar ran 5 Awdurdod Lleol.

Treuliais y rhan fwyaf o fy ngyrfa mewn llywodraeth leol, gan gynnwys rolau mewn datblygu ieuenctid a chymunedol, cynllunio a datblygu strategaeth, rheoli prosiectau, comisiynu strategol a chaffael. Yn fwy diweddar, roeddwn yn uwch reolwr ym maes gwasanaethau cymdeithasol ac yn Unigolyn Cyfrifol am naw o wasanaethau gofal a reoleiddir gan gynnwys gwasanaethau gofal preswyl i blant ac oedolion hŷn.

Rydw i wedi byw yng Nghasnewydd drwy fy oes ac yn fy amser hamdden rwy'n mwynhau mynd â chŵn am dro, teithio, gwirfoddoli a threulio amser gyda fy 3 phlentyn. Rwy’n mwynhau dysgu ac ar hyn o bryd yn astudio ar gyfer fy ail radd Meistr mewn Sgiliau Digidol ar gyfer Proffesiynau Iechyd a Gofal ym Mhrifysgol Cymru Y Drindod Dewi Sant. Rydw i hefyd yn weithiwr preswyl plant cofrestredig, yn hyfforddwr a mentor QCF lefel 5, yn Imiwneiddiwr COVID 19 hyfforddedig ac yn swyddog cymorth cyntaf.

Ffarwel i...



Lynne Burrows

Fi yw'r Arweinydd Rhaglen ar gyfer Rhaglen Gaffael y System Gwybodeg Radioleg (RISP) ac rwy'n gadael RISP a'r GIG i ddachrau ymddedoliad gwbl haoddiannol ☺

a'r GIG fdudechrau ymddedolau gwbl naeddianol ☺.

Rydw i wedi gweithio yn y GIG ers 2004 ar ôl dod o'r Diwydiant Biowyddorau ac rwy' wedi bod yn ffodus i reoli sawl Prosiect a Rhaglen Glinigol genedlaethol sydd, yn fy marn i, wedi cael effaith gadarnhaol ar gleifion a'r gwasanaeth fel ei gilydd. Mae'r rhain yn cynnwys Porth Cyfathrebu Clinigol Cymru (e-atgyfeiriadau), Academi Ddelweddu Genedlaethol Cymru a RISP.

Hoffwn achub ar y cyfle i ddiolch i fy staff (yn y gorffennol a'r presennol) am eu teyrngarwch a'u cefnogaeth ynghyd â'm cydweithwyr yn y tîm ehangach; hebddoch chi ni fyddai'r rhaglenni hyn wedi cael eu darparu'n llwyddiannus. Mae wedi bod yn ffrindiau gyda chi, ac rwy'n ystyried llawer ohonoch yn ffrindiau.

Rydw i nawr yn edrych ymlaen at wneud y pethau rydw i wedi bod eisiau eu gwneud ond byth yn cael amser ar eu cyfer - ac mae rhestr hir iawn! Dim segura i mi, gyda dau o wyrion ifanc i'w helpu, dyddlyfr teithio yn aros i gael ei lenwi a chi i gadw cwmni i mi, gobeithio, beth arall alla i ofyn amdano.

Codaf wydraid ichi i gyd i ddathlu a dyma ddyfyniad i'w ystyried
"Mae bywyd yn symud yn eithaf cyflym. Os na fyddwch chi'n aros ac edrych o'ch cwmpas pob hyn a hyn, fe allech chi ei cholli."

Au Revoir
Lynne

Cysylltu â Ni



“Os hoffech fod yn rhan o’r rhaglen, cysylltwch â ni oherwydd bydd eich cyfraniad yn cael ei groesawu’n fawr.”

"Mae tîm RISP yn gwerthfawrogi’r gefnogaeth barhaus gan y gwasanaeth yn fawr. Mae eich cyfraniadau a’ch ymgysylltiad â’r rhaglen yn ein galluogi i gaffael yr ateb gorau i staff a chleifion ledled Cymru, yn helpu i gefnogi newid busnes ac yn dod â buddion i bawb.”

Rydym yn eich annog i anfon e-bost atom yn Radiology.Informatics@wales.nhs.uk er mwyn:

- Holi ynglŷn â’r rhaglen
- Cymryd rhan yn y Rhaglen wrth iddi ddatblygu
- Cofrestru ar gyfer ein cylchlythyr chwarterol
- Cofrestru ar gyfer ein digwyddiadau a’n gweithdai
- Rhannwch eich adborth am ein cylchlythyrau

I gael rhagor o wybodaeth am y Rhaglen a’r Prosiectau, ewch i’n tudalen we.

Rydym yn falch o dderbyn gohebiaeth yn Gymraeg ac ni fydd ein hymateb yn Gymraeg yn arwain at oedi.

If you just opted in, you're consenting to receive marketing emails from: NHS Wales Health Collaborative, 1st Floor, River House, Ynys Bridge Court, Gwaelod y Garth, Cardiff, CF15 9SS. You can revoke your consent to receive emails at any time by using the [SafeUnsubscribe®](#) link, found at the bottom of every email. [Emails are serviced by Constant Contact](#)